

SKIPULAGSSKRÁ

fyrir Minningarsjóð um Sverri S. Einarsson.

1. gr.

Sjóðurinn heitir Minningarsjóður um Sverri S. Einarsson og er stofnaður til minningar um Sverri Sigurjón Einarsson, rektor Menntaskólans við Hamrahlíð frá 1996 til 1998. Hann var fæddur 29. júlí 1948 og lést 13. apríl 1998.

2. gr.

Menntaskólinn við Hamrahlíð leggur til stofnupphæð í sjóðinn, kr. 477.000, fjögur hundruð sjötíu og sjö þúsund krónur. Karólína Hulda Guðmundsdóttir, ekkja Sverris Einarssonar, leggur fjárhæð í sjóðinn og jafnframt gefst velunnurum úr hópi samstarfsmanna Sverris í Menntaskólanum við Hamrahlíð kostur á að leggja stofnfé í sjóðinn.

Eignir sjóðsins við staðfestingu eru kr. 587.000, fimmhundruð áttatíu og sjö þúsund krónur, þar af er höfuðstóll kr. 500.000, fimm hundruð þúsund krónur. Höfuðstóll skal ávallt haldast óskerðanlegur að raungildi. Við hann skal leggja allar verðbætur. Vöxtum skal jafnan varið til að verðlauna nýstúdent við útskrift stúdenta. Þó er heimilt að víkja frá þeirri reglu og fella út verðlaunafhendingu við útskrift ef rök mæla með því.

3. gr.

Markmið sjóðsins er að veita ár hvert viðurkenningu nýstúdent sem hefur á framúrskarandi hátt nýtt möguleika áfangakerfisins í Menntaskólanum við Hamrahlíð.

4. gr.

Stjórn sjóðsins skal skipuð þremur mönnum til tveggja ára í senn. Rektor skal sitja í stjórn, einn fulltrúi úr hópi starfsmanna skólans, kosinn á fundi starfsmannafélagsins, og einn nemandi valinn úr hópi skólastjórnarfulltrúa. Stjórnin skal varðveita eignir sjóðsins og ávaxta þær á þann hátt sem telja má öruggan og arðvænlegan. Rektor Menntaskólans við Hamrahlíð er vörslumaður sjóðsins. Fjármálastjóri skólans annast árlega endurskoðun reikninga sjóðsins.

5. gr.

Sjóðsstjórn skal skila tillögu um verðlaunahafa fyrir hverja þá stúdentaútskrift er stjórnin sér ástæðu til að verðlauna stúdentsefni. Viðurkenning skal veitt við brautskráningu stúdenta. Viðurkenningin skal staðfest með sérstöku skjali, bókgjöld og verðlaunafé. Sjóðsstjórn ber ábyrgð á framkvæmd allri og skal árlega skila skýrslu til skólanefndar MH.

6. gr.

Breytingar á skipulagsskrá þessari má því aðeins gera að þær hljóti samþykki allra stjórnarmanna sjóðsins.

7. gr.

Verði sjóðurinn lagður niður skal fé hans renna óskipt til að styrkja stöðu fatlaðra nemenda Menntaskólans við Hamrahlíð.

8. gr.

Leita skal staðfestingar dómsmálaráðherra á skipulagsskrá þessari.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

Dóms- og kirkjumálaráðuneytinu, 28. mars 2000.

F. h. r.
Jón Thors.

Fanney Óskarsdóttir.

SAMÞYKKT

um hunda- og kattahald í Skútustaðahreppi.

I. KAFLI Hundahald.

1. gr.

Óheimilt er einstaklingum að halda hunda í Skútustaðahreppi nema með sérstöku leyfi sveitarstjórnar og að uppfylltum þeim skilyrðum og eftir þeim reglum, sem tilgreindar eru í samþykkt þessari.

2. gr.

Leyfi til hundahalds er bundið við nafn tiltekins einstaklings, 18 ára eða eldri og ákveðið heimilisfang. Leyfið er ekki framseljanlegt.

Alla hunda, sem leyfi er veitt fyrir skal skrá á skrifstofu Skútustaðahrepps og gefa upplýsingar um: Tegund, kyn, aldur, lit og önnur útlitseinkenni og nafn. Þá skal og skila nýrri ljósmynd af hundinum. Ekki er þó skylt að skrá hunda fyrr en þeir eru orðnir þriggja mánaða gamlir.

Þegar hundur er skráður, fær eigandi hans afhenta númeraða plötu sem jafnan skal vera í ól um háls hundsins.

Sé heimilisfangið sem leyfið er bundið í fjölbýlishúsi (parhúsi, raðhúsi, blokk) skal leggja fram skriflega samþykkt annarra húsráðenda eða stjórnar húsfélags.

Skylt er leyfishafa að hafa hund sinn ábyrgðartryggðan hjá viðurkenndu tryggingarfélagi, þannig að tryggt sé að trygging nái til alls þess tjóns, sem dýrið kann að valda mönnum, dýrum, gróðri og munum. Vottorð um ábyrgðartryggingu skal liggja fyrir við útgáfu leyfis og kvittun gegn greiðslu iðngjalds þegar hreinsun fer fram árlega.

3. gr.

Leyfishafar skulu fylgja eftirfarandi reglum:

- a) Hundurinn skal ekki ganga laus á almannafæri. Undanþegnir eru þarfahundar, minkahundar, dýrhundar og sporhundar þegar þeir eru að störfum í gæslu eigenda eða umráðamanna og með sérstöku leyfi eftirlitshafa.
- b) Þess skal gætt að hundurinn valdi ekki hættu, óþægindum eða óþrifnaði né raski ró manna.
- c) Óheimilt er að fara með hund inn í almenningsfarartæki, þjónustustofnanir og fyrirtæki, einkarekin eða opinber, skóla og aðrar slíkar stofnanir, framleiðslu-, geymslu- og/eða sölustaði matvæla auk eftirtalinna staða:
 1. Vatnsveitur, vatnsból og verndarsvæði þeirra og brunna.
 2. Almennings- og útisalerni.